



JABATAN PERKHIDMATAN VETERINAR

LAPORAN PEMANTAUAN MEDIA

20 JUN 2024 (KHAMIS)

75,000 telur ayam habis dijual dalam masa 3 jam

MEDIA

Berita Harian

RUANGAN

Nasional

MUKA SURAT

14

75,000 telur ayam habis dijual dalam masa 3 jam

Penurunan harga legakan pengguna, bantu peniaga kurangkan kos jualan

Oleh Zatul Iffah Zolkiply
zatuliffah@bh.com.my

Kuala Terengganu: Sebanyak 75,000 telur gred A, B dan C di sebuah kedai borong di Chabang Tiga, di sini, habis terjual dalam masa tiga jam selepas premis berkenaan diserbu pelanggan.

Tinjauan mendapati orang ramai mula beratur seawal jam 7 pagi, walaupun premis berkenaan memulakan operasi kira-kira 30 minit kemudian.

Pengurus syarikat borong itu, Nursyzanil Adha Ramli, berkata, sebanyak 2,700 papan telur pelbagai gred diterima hari ini dengan 2,500 papan telur gred A, B dan C habis terjual dalam masa tiga jam dan kini hanya berbaki 200 papan telur premium dan telur ayam kampung.

Katanya, pihaknya tidak meletakkan had pembelian kepada pembeli menyebabkan telur gred A, B dan C terjual dengan cepat.

"Ketika mahu membuka kedai jam 7.30 pagi, orang ramai sudah beratur untuk beli telur dan da-



Orang ramai beratur membeli telur ayam di kedai borong di Kampung Chabang Tiga di Kuala Terengganu, semalam. (Foto Ghazali Kori/BH)

lam tempoh beberapa jam, bekalan telur licin dan banya tinggal telur omega dan telur ayam kampung.

"Jualan telur sangat laris apabila bekalan telur gred A, B dan C habis sebelum jam 11 pagi sehingga menyebabkan ada pelanggan pulang dengan tangan kosong.

"Selain itu, terdapat sedikit pengurangan bekalan yang diterima berbanding hanya 4,600 atau

5,000 papan sebelum ini tetapi penghantaran bekalan masih stabil," katanya.

Sanggup beratur panjang

Peniaga char kuetiau, Mohd Hafizi Rusli, 41, berkata, dia memerlukan sebanyak 10 papan telur setiap hari dan penurunan harga itu sedikit sebanyak membantunya berjimat.

"Sebelum ini, saya beli telur gred B dengan harga RM12.90

tetapi sekarang harga baharu adalah RM12, jadi saya dapat berjimat antara RM250 sehingga RM270 sebulan.

"Sebab itu saya sanggup beratur panjang untuk mendapatkan bekalan.

"Namun, saya harap bekalan telur ini tidak terganggu memandangkan ia antara bahan mentah yang digunakan semua seperti peniaga dan isi rumah," katanya.

2,500 papan telur licin dalam 3 jam

MEDIA

RUANGAN

MUKA SURAT

Kosmo!

Negara!

14

14 **Negara!**



SEBANYAK 2,500 papan telur yang diturunkan daripada lori berjaya terjual dalam masa kurang tiga jam di Chabang Tiga, Kuala Terengganu semalam.



ORANG ramai beratur seawal pukul 7.30 pagi untuk mendapatkan bekalan telur ayam.

Harga turun 3 sen sebiji, pelanggan sanggup beratur panjang seawal pukul 7.30 pagi

2,500 papan telur 'licin' dalam 3 jam

Oleh **TENGKU DANISH BAHRI**
TENGKU YUSOFF

KUALA TERENGGANU – Orang ramai sanggup beratur panjang untuk mendapatkan bekalan telur ayam pada harga baharu di sebuah premis pemborong telur di Chabang Tiga di sini semalam.

Sebaik dibuka pada pukul 9 pagi, sebanyak 2,500 papan telur ayam gred A, B dan C yang baru diturunkan daripada lori pembekal habis terjual dalam tem-

poh tidak sampai tiga jam.

Pengurus syarikat pemborong, Nursyzanil Adha Ramli berkata, para pelanggannya mula beratur seawal pukul 7.30 pagi untuk membeli telur pada harga murah seperti diumumkan Perdana Menteri pada Isnin lalu.

"Bekalan telur ayam bagi semua gred diterima pagi tadi (semalam) sudah habis dijual menjelang pukul 11 pagi.

"Telur ayam gred AA dan D yang kekal harganya juga laku.

Kini tinggal kurang 200 papan telur ayam kampung dan premium yang belum terjual," katanya ketika ditemui di Chabang Tiga.

Nursyzanil Adha memberitahu, pihaknya tidak menyangka mendapat sambutan luar biasa daripada pelanggan. Keadaan itu menyebabkan ada pelanggan yang 'terlepas' membeli telur tersebut.

"Bekalan diterima juga agak kurang berbanding 4,600 papan

telur sebelum ini," katanya.

Seorang peniaga char kuetau, Mohd. Hafizi Rusli, 41, berkata, dia tidak berfikir panjang untuk beratur apabila mengetahui bekalan telur tiba pagi semalam.

"Setiap hari, saya menggunakan 10 papan telur untuk berniaga. Harga telur ayam gred B kini RM12 sepapan, jadi dapat berjimat 90 sen. Secara keseluruhan, saya dapat berjimat sebanyak RM270 sebulan.

Bagi peniaga kedai runcit,

Hafizudin Sahpli, 32, dia berharap bekalan telur ayam kekal stabil kerana sumber protein itu antara barangan keperluan paling dicari pelanggannya.

Pada Isnin lalu, kerajaan mengumumkan harga runcit bagi telur gred A, B dan C diturunkan 3 sen sebiji berkuat kuasa hari sama. Penampungan subsidi keperluan makanan rakyat sebanyak 10 sen untuk sebiji telur ayam tersebut melibatkan perbelanjaan berjumlah RM100 juta.

Tujuh sahabat simpan duit beli lembu baka Brahman

MEDIA

RUANGAN

MUKA SURAT

Utusan Malaysia

Dalam Negeri

35

75,000 telur habis dalam 3 jam

KUALA TERENGGANU: Sebanyak 2,500 papan telur gred A, B dan C yang baru tiba di sebuah kedai borong di Kampung Chabang Tiga di sini, habis dijual dalam masa tiga jam.

Tinjauan *Utusan Malaysia* semalam mendapati, orang ramai mula beratur seawal pukul 7.30 pagi untuk mendapatkan sumber protein itu pada harga terbaharu yang berkuat kuasa Isnin lalu.

Pengurus syarikat borong, Nursyzanil Adha Ramli berkata, sebanyak 2,700 papan telur pelbagai gred diterima semalam yang hanya berbaki 200 papan telur premium dan telur ayam kampung selepas tiga jam beroperasi.

Katanya, pihaknya tidak meletakkan had pembelian menyebabkan telur gred A, B dan C 'laku keras' dalam masa singkat selain telur gred AA dan gred D

turut laris.

"Ketika hendak buka kedai pukul 7.30 pagi, orang ramai sudah beratur untuk membeli telur dan tidak sampai pukul 11 pagi, hanya tinggal telur Omega dan telur ayam kampung.

"Kira-kira 2,500 papan atau 75,000 biji telur gred A, B dan C paling laris sehingga habis dijual dalam masa tiga jam menyebabkan pelanggan yang datang lewat terpaksa pulang tangan kosong.

"Dari segi bekalan ada sedikit pengurangan berbanding 4,600 atau 5,000 papan yang biasa diterima, cuma trip penghantaran masih stabil," katanya ketika ditemui di sini.

Sementara itu, seorang peniaga char kuetiau, Mohd. Hafizi Rusli, 41, berkata, dia sanggup beratur panjang untuk mendapatkan telur gred B pada harga RM12 sepapan berbanding harga lama RM12.90.

"Sebanyak 10 papan telur diperlukan setiap hari untuk menjalankan perniagaan dan saya dapat berjimat antara RM250 sehingga RM270 sebulan dengan penurunan harga runcit telur ini.

"Cuma apa yang saya harap bekalan telur tidak terganggu kerana ia antara bahan mentah paling penting dan digunakan semua sama ada golongan peniaga atau untuk kegunaan isi rumah," katanya.



NURSYZANIL Adha Ramli menyusun bekalan telur di premisnya di Kampung Chabang Tiga, Kuala Terengganu, semalam. - UTUSAN/PUQTRA HAIRRY ROSLI

Tujuh sahabat simpan duit beli lembu baka Brahman

MEDIA

Kosmo!

RUANGAN

Negara

MUKA SURAT

16

Tujuh sahabat simpan duit beli lembu baka Brahman

TUMPAT – Tujuh sahabat bersepakat mengumpul wang RM50 sebulan demi menjalankan ibadah korban dengan membeli seekor lembu baka Brahman bernilai RM8,000.

Tujuh sahabat dari Wakaf Bharu di sini, melaksanakan ibadah korban dengan membeli lembu seberat 500 kilogram (kg) untuk bahagian korban masing-masing sebelum ia diagihkan kepada golongan asnaf di kampung berkenaan.

Mohd. Nierzaqirrie Nasrudin, 37, berkata, dia menjalankan ibadah korban setiap tahun, namun dia dan enam rakannya bersama-sama menyimpan wang untuk membeli seekor lembu sejak setahun lalu.

Menurutnya, dia dan rakan-

rakannya hanya mengumpulkan sebanyak RM50 seorang setiap bulan untuk korban Aidiladha pada tahun ini.

"Saya dan rakan-rakan berhasrat untuk mendapatkan sekurang-kurangnya seekor lembu supaya dapat diagihkan kepada golongan asnaf yang tidak menyertai ibadah korban.

"Kami menyimpan wang selama setahun dan akhirnya dapat membeli seekor lembu baka Brahman berharga RM8,000. Baki RM400 simpanan daripada itu kami sedekahkan kepada tukang sembelih," katanya ketika dihubungi pemberita semalam.

Mohd. Nierzaqirrie memberitahu, jika tidak bersama-sama menyimpan, sudah pasti mereka tidak dapat menyediakan

RM1,200 setiap orang sekelip mata atau mungkin hanya dapat menyertai bahagian korban dengan lembu lain.

Katanya, ibadah korban tujuh sahabat itu dilakukan di Kampung Paloh Dalam, di sini semalam.

Salah seorang lagi daripada tujuh sahabat itu, Mohd. Redzuan Idris, 38, pula, dia berasa puas hati kerana boleh membawa pulang lebih 60 kg daging korban termasuk tulang untuk diagihkan kepada golongan asnaf di kampungnya.

"Sebaik tiba di rumah, saya dan keluarga terus mengagihkan kepada asnaf. Saya sangat berpuas hati kerana dapat sedekah kepada ramai penerima," jelasnya.



ENAM daripada tujuh sahabat menunjukkan seekor lembu baka Brahman yang disembelih di Kampung Wakaf Bharu, Tumpat semalam.

TERIMA KASIH

DISEDIAKAN OLEH:

**UNIT KOMUNIKASI KORPORAT
JABATAN PERKHIDMATAN VETERINAR**